

後漢書

五十三

儒林傳第六十九下

後漢書七十九下

高詡 包咸 魏應 伏恭 任宋

景鸞 薛漢 杜撫 召馴 楊仁

趙曄 衛宏 董鈞 丁恭 周澤

鍾興 甄宇 樓望 程曾 張玄

李育 何休 服虔 穎容 謝該

許慎 蔡玄

前書魯人申公受詩於浮丘伯為作詁訓是為魯詩齊人轅固生亦傳詩是為齊詩燕人韓嬰亦傳詩是為韓詩三家皆立博士趙人毛萇傳詩是為

毛詩未得立

高詡傳

高詡字季回平原般人也般音卜蒲反曾祖父嘉以曾

詩授元帝仕至上谷太守父容少傳嘉學哀平間

為光祿大夫詡以父任為郎中世傳魯詩以信行

清操知名王莽篡位父子稱盲逃不仕莽世光武

即位大司空宋弘薦詡徵為郎除符離長符離縣故城在

今徐州符離縣東也去官後徵為博士建武十一年拜大司農

在朝以方正稱十二年卒官賜錢及冢田

包咸傳

包咸字子良會稽曲阿人也

曲阿今潤州縣

少為諸生受

業長安師事博士右師細君

姓右師

習魯詩論語王

莽末去歸鄉里於東海界為赤眉賊所得遂見

拘執十餘日咸晨夜誦經自若賊異而遣之因住

東海立精舍講授光武即位乃歸鄉里太守黃讜

署戶曹史欲召咸入授其子咸曰禮有來學而無

往教

禮記曰禮聞來學不聞往教也

讜遂遣子師之舉孝廉除郎

中建武中入授皇太子論語又為其章句拜諫議

大夫侍中右中郎將永平五年遷大鴻臚再進見

錫以几杖入屏不趨贊事不名經傳有疑輒遣

小黃門就舍即問顯宗以咸有師傅恩而素清苦

常特賞賜珍玩束帛奉祿增於諸卿咸皆散與諸

生之貧者病篤帝親輦駕臨視八年年七十一卒

於官子福拜郎中亦以論語入授和帝

魏應傳

魏應字君伯任城人也少好學建武初詣博士受

業習魯詩閉門誦習不交僚黨京師稱之後歸

為郡吏舉明經除濟陰王文學以疾免官教授山

澤中徒眾常數百人永平初為博士再遷侍中十

三年遷大鴻臚十八年拜光祿大夫建初四年拜

五官中郎將詔入授千乘主伉應經明行修弟子
自遠方至著錄數千人肅宗其重之數進見論難
於前特受賞賜時會京師諸儒於白虎觀講論
五經同異使應專掌難問侍中淳于恭奏之帝親
臨稱制如石渠故事明年出為上黨太守徵拜騎
都尉卒於官

伏恭傳

伏恭字叔齊琅邪東武人司徒湛之兄子也湛弟
黯字雅文以明齊詩改定章句作解說九篇位至
光祿勳無子以恭為後恭性孝事所繼母甚謹

後傳卷九下 漢志七九已下

少傳黯學以任為郎建武四年除劇令視事十三
年以惠政公廉聞青州舉為尤異太常試經第一
拜博士遷常山太守躬脩學校教授不輟由是北
州多為伏氏學永平二年代梁松為太僕四年帝
臨立辟雍於行禮中拜恭為司空儒者以為榮初
父黯章句繁多恭乃省減浮辭定為二十萬言在
位九年以病乞骸骨罷詔賜千石奉以終其身十
五年行幸琅邪引遇如三公儀建初二年冬肅宗
行饗禮以恭為三老年九十二元和元年卒賜葬
顯節陵下子壽官至東郡太守

任宋傳

任宋字叔本蜀郡繁人也

繁縣故城在今益州新繁縣也

少習齊詩

遊京師教授十餘年友人董奉德於洛陽病亡宋乃躬推鹿車載奉德喪致其墓所由是知名為郡功曹辭以病免後奔師喪於道物故臨命勅兄子造曰必致我尸於師門使死而有知魂靈不慙如其無知得上而已造從之

景鸞傳

景鸞字漢伯廣漢梓潼人也少隨師學經涉七州之地能理齊詩施氏易兼受河洛圖緯作易說

後傳六九下法卷七九已下

四

及詩解文句兼取河洛以類相從名為交集又撰禮內外記號曰禮略又抄風角雜書列其占驗作興道一篇及作月令章句凡所著述五十餘萬言數上書陳救災變之術州郡辟命不就以壽終

薛漢傳

薛漢字公子淮陽人也世習韓詩父子以章句著名漢少傳父業尤善說災異識諱教授常數百人建武初為博士受詔校定圖讖當世書詩者推漢為長永平中為千乘太守政有異迹後坐楚事辭相連下獄死弟子犍為杜撫會稽澹臺敬伯鉅

鹿韓伯高曾取知名

杜撫傳

杜撫字叔和犍為武陽人也少有高才受業於薛漢定韓詩章句後歸鄉里教授沈靜樂道舉動必以禮弟子千餘人後為驃騎將軍東平王蒼所辟及蒼就國掾史悉補王官屬未滿歲皆自劾歸時撫為大夫不忍去蒼聞賜車馬財物遣之辟太尉府建初中為八軍令數月卒官其所作詩題約義通學者傳之曰杜君注云

約義通也

劉放曰作詩題約義通案文題下當有脫字蓋合云云

後傳六九下 後志七九已下

召馴傳

召馴字伯春九江壽春人也曾祖信臣元帝時為少府

前書信臣字公卿為南陽太守吏人親愛号曰召父

又建武中為卷令

屬滎陽郡卷音丘圓反

傳以志義聞鄉里號之曰德行恂恂召伯春累仕州郡辟司徒府建初元年稍遷騎都尉侍講肅宗拜左中郎將入授諸王帝嘉其義學恩寵甚崇出拜陳留太守賜刀劍錢物元和二年入為河南尹章和二年代任隗為光祿勳卒於官賜冢塋陪園陵孫休位至青州刺史

楊仁傳

楊仁字文義巴郡閬中人也建武中詣師學習韓詩數年歸靜居教授仕郡為功曹舉孝廉除郎太常上仁經中博士上音時掌反下同仁自以年未五十不

應舊科漢官儀曰博士限年五十以上上府讓選顯宗特詔補北

宮衛士令漢官儀曰北宮衛士令一人秩六百石引見問當世政迹仁

對以寬和任賢抑黜驕戚為先又上便宜十二

事皆當世急務帝嘉之賜以縑錢及帝崩時諸

馬貴盛各爭欲入宮仁被甲持戟嚴勒門衛莫敢

輕進者肅宗既立諸馬共譖仁刻峻帝知其忠愈

後傳六九下 漢書七九下 六

善之拜什邡令今益州什邡縣也音十方寬惠為政勸課掾史

弟子悉令就學其有通明經術者顯之右署右署上司

或貢之朝猶是義學大興墾田千餘頃行兄喪去

官後辟司徒相虞府掾有宋章者貪奢者不法仁

終不與交言同席時人畏其節後為閬中令卒於

官

趙曄傳

趙曄字長君會稽山陰人也少嘗為縣吏奉檄

迎督郵曄恥於厮役遂棄車馬去到犍為資中

資中縣名今資州資陽縣詣杜撫受韓詩究竟其術積二十年

楊仁 趙曄

絕問不還家為發喪制服撫平乃歸州召補從事
不就舉有道卒于家擘著呂越春秋詩細歷神
淵蔡邕至會稽讀詩細而歎息以為長於論衡
邕還京師傳之學者咸誦習焉時山陽張匡字
文通亦習韓詩作草句後舉有道博士徵不就
卒於家

衛宏傳

衛宏字敬仲東海人也少與河南鄭興俱好古學
初九江謝曼卿善毛詩乃為其訓宏從曼卿受學
因作毛詩序善得風雅之旨于今傳於世後從大

後傳六九六

漢書卷九十九

七

司空杜林更受古文尚書作訓旨時濟南徐巡師
事宏後從林受學亦以儒顯由是古學大興光武
以為議郎宏作漢舊儀四篇以載西京雜事又著
賦頌誄七首皆傳於世中興後鄭眾賈逵傳毛詩
後馬融作毛詩傳鄭玄作毛詩箋箋薦也薦成毛義也張華博物志曰
鄭注毛詩曰箋不解此意或云毛公
嘗為比海相玄是郡人故以為敬云

前書魯高堂生

高堂生名隆

漢興傳禮十七篇後瑕丘

蕭奮奮以授同郡丘蒼蒼授梁人戴德及德兄子

聖沛人慶普

德字近君聖近次君普字孝公

於是德為大戴禮聖

為小戴禮並為慶氏禮三家皆立博士孔安國

所獻禮古經五十六篇及周官經六篇前世傳其書未有名家中與以後亦有大小戴博士雖相傳不絕然未有顯於儒林者建武中曹充習慶氏學傳其子襄遂撰漢禮事在襄傳

董鈞傳

董鈞字文伯犍為資中人習慶氏禮事大鴻臚

王臨元始中舉明經遷廩犧令前書平帝元始五年卒明經漢官儀曰今廩犧

令一人秩六百石病去官建武中舉孝廉辟司徒府鈞博

通古今數言政事永平中為博士時草創五郊祭

祀續漢志曰永平中以禮儀識及月令有五郊迎氣因採元和中故事兆五郊于洛陽四方中兆在未壇皆三尺及

漢傳六九下 禮志七九下 八

宗廟禮樂威儀章服輒令鈞參議多見從用當世稱為通儒累遷五官中郎將常教授門生百餘人後坐事左轉騎都尉年七十餘卒於家中與鄭眾傳周官然後馬融作周官傳授鄭玄玄作周官注玄本習小戴禮後以古經校之取其義長者故為鄭氏學玄又注小戴所傳禮記四十九篇通為三禮焉

前書齊胡母子都傳公羊春秋授東平嬴公嬴公授東海孟卿孟卿授魯人眭孟眭孟授東海嚴彭祖魯人顏安樂彭祖為春秋嚴氏學安樂為春秋

顏氏學

前書鼓祖字八公子安樂字公孫安樂即睦孟姪子也

又瑕丘江公傳穀梁

春秋三家皆立博士梁太傅賈誼為春秋左氏傳訓詁授趙人貫公

丁恭傳

丁恭字子然山陽東緡人也

東緡今兗州金鄉縣

習八公羊嚴

氏春秋恭學義精明教授常數百人州郡請召不應建武初為諫議大夫博士封關內侯十一年遷少府諸生自遠方至者著錄數千人當世稱為大儒太常樓望侍中承宮長水校尉樊豐等皆受業於恭二十年拜侍中祭酒騎都尉與侍中劉昆俱

後傳六九下 後卷七九下

九

在光武左右每事諮訪焉卒於官

周澤傳

周澤字穉都北海安丘人也少習八公羊嚴氏春秋隱居教授門徒常數百人建武末辟大司馬府署議曹祭酒數月徵試博士中元元年遷謁池令奉公尅已矜恤孤寡吏人歸愛之永平五年遷右中郎將十年拜太常澤果敢直言數有據爭後北地太守廖信廖音力 甲反坐貪負穢下獄沒入財產顯宗以信臧物班諸廉吏唯澤及光祿勳孫堪太司農常冲特蒙賜焉是時京師翕然在位者咸自勉

勵堪字子穉河南緱氏人也明經學有志操清白
貞正愛士大夫然一毫未嘗取於人以節介氣勇
自行王莽末兵革並起宗族老弱在營保間堪當
力戰陷敵無所回避數被創刃宗族賴之郡中咸
服其義勇建武中仕郡縣公正廉潔奉祿不及妻
子皆以供養寡客及為長吏所在有迹為吏人所敬
仰喜分明去就嘗為縣令謁府趨步遲緩門亭長
譴堪御史堪使解印綬去不之官後復仕為左馮
翊坐御下促急司隸校尉舉奏免官數月徵為侍
御史再遷尚書令永平十一年拜光祿勳堪清廉

後傳六九下

後傳六九下

上

果於從政數有直言多見納用十八年以病乞身
為侍中騎都尉卒於官堪行類於澤故京師號曰
二穉十二年以澤行司徒事如真澤性簡忽威儀
頗失宰相之望數月復為太常清絜循行盡敬宗
廟常卧病齋宮其妻哀澤老病闕問所苦澤大怒
以妻干犯齋禁遂收送詔獄謝罪當世疑其詭激
時人為之語曰生世不諧作太常妻一歲三百六
十日三百五十九日齋漢官儀此下云一
日不文扇醉如泥十八年拜
侍中騎都尉後數為三老五更建中初致仕卒於
家

鍾興傳

鍾興字次文汝南汝陽人也少從少府丁恭受嚴氏春秋恭薦興學行高明光武召見問以經義應對其明帝善之拜郎中稍遷左中郎將詔定春秋章句去其復重復音復重立日直谷反以授皇太子又使宗室諸侯從興受章句封關內侯興自以無功不敢受爵帝曰生教訓太子及諸王侯非大功邪興曰臣師丁恭於是復封恭而興遂固辭不受爵卒於官

甄宇傳

後傳六九下 漢書七九下

十一

甄宇字長文北海安丘人也清靜少欲習嚴氏春秋教授常數百人建武中為州從事徵拜博士東觀

記曰建武中每臘詔書賜博士一羊羊有大小肥瘦時博士祭酒議欲殺羊分肉又欲投鉤宇復取之字因先自取其最瘦者猶是不復有爭訟後乃召會問瘦羊博士所在京師因以號之稍遷太子少傅卒於官

傳業子普昱日傳子承承尤篤學未嘗視家事講授嘗數百人諸儒以承三世傳業莫不歸服之建初中舉孝廉卒於梁相子孫傳學不絕

樓望傳

樓望字次子陳留雍丘人也少習嚴氏春秋操節清白有稱鄉閭建武中趙節王栩光武叔父趙王良之子謚曰節聞

其高名遣使齎玉帛請以為師望不受後仕郡
功曹永平初為侍中越騎校尉入講省內十六年
遷大司農十八年代周澤為大常建初五年坐事
左轉大中大夫後為左中郎將教授不倦世稱儒
宗諸生著錄九千餘人年八十永元十二年卒於
官門生會葬者數千人儒家以為榮

程曾傳

程曾字秀升豫章南昌人也受業長安習嚴氏
春秋積十餘年還家講授會稽顧奉等數百人
常居門下著書百餘篇皆五經通難又作孟子

後傳次九下漢書七九下

十二

章句建初三年舉孝廉遷海西令卒於官

張玄傳

張玄字君夏河內河陽人也少習春秋顏氏兼通
數家法建武初舉明經補弘農文學遷陳倉縣丞
清淨無欲專心經書方其講問乃不食終日及有
難者輒為張數家之說令擇從所安諸儒皆伏其
多通著錄千餘人玄初為縣丞嘗以職事對府不
知官曹處吏白門下責之時右扶風琅邪徐業亦
大儒也聞玄諸生試引見之與語大驚曰今日相
遭真解矇矣

也 遭逢

遂請上堂難問極日後玄去

官舉孝廉除為郎會顏氏博士缺乞試策第一拜
為博士居數月諸生上言乞兼說嚴氏官氏不宜
專為顏氏博士。劉敞曰案前後叙說無宣氏學蓋光
武且令還署未及遷而卒

李育傳

李育字元春扶風漆人也。漆縣今屬少習公羊春

秋沈思專精博覽書傳知名太學深為同郡班

固所重固奏記薦育於驃騎將軍東平王蒼由是

京師貴戚爭往交之州郡請召育到輒辭病去常

避地教授門徒數百頗涉獵古學嘗讀左氏傳雖

後傳六九下 漢書七九卷下 十三

樂文采然謂不得聖人深意以為前世陳元范升

之徒更相非折。折難也音而多引圖讖不據理體

於是作難左氏義四十一事建初元年衛尉馬廖

舉育方正為議郎後拜博士四年詔與諸儒論五

經於白虎觀育以公羊義難賈逵往返皆有理

證最為通儒再遷尚書令及馬氏廢。建初八年順

豫為步兵校尉坐投書怨育坐為所舉免歸歲餘復徵

再遷侍中卒於官

何休傳

何休字邵公任城樊人也。樊縣故城在今兗父豹少

府休為人質朴訥口而雅有心思精研六經世儒無及者以列卿子詔拜郎中非其好也辭病而去不仕州郡進退必以禮太傅陳蕃辟之與參政事蕃敗休坐廢錮乃作春秋公羊解詁博物志曰何休注公羊云何氏

學有不解者或答曰休謙辭受學於師乃言此義不出於已此言為允也 覃思不闕門十有

七年又注訓孝經論語風角七分皆經緯典謨不

與守文同說又以春秋駁漢事六百餘條妙得公

羊本意休善麻笄與其師博士羊弼追述李育意

以難一傳作公羊墨守言公羊之義不可攻如墨翟之守城也 左氏膏肓

穀梁廢疾黨禁解又辟司徒羣八表休道術深明

後傳六卷 漢志七九卷下 十

宜侍帷幄倖臣不悅之乃拜議郎屢陳忠言再遷

諫議大夫年五十四光和五年卒

服虔傳

服虔字子慎初名重又名祗後改為虔河南滎陽人也少以清苦建志入太學受業有雅才善著文論作春秋左氏傳解行之至今又以左傳駁何休之所駁漢事六十條舉孝廉稍遷中平末拜九江太守免遭亂行客病卒所著賦碑誄書記連珠九憤凡十餘篇

穎容傳

服虔 穎容

穎容字子嚴陳國長平人也長平縣故城在今陳州西北博學多

通善春秋左氏師事太尉揚賜郡舉孝廉州辟公

車徵皆不就初平中避亂荊州聚吏千餘人劉表

以為武陵太守不肯起著春秋左氏條例五萬餘

言建安中卒

謝該傳

謝該字文儀南陽章陵人也善明春秋左氏為世

名儒門徒數百千人建安中河東人樂詳條左氏

疑滯數十事以問該皆為通解之名為謝氏釋行

於世魏略曰詳字文載少好學聞謝該善左氏傳乃從南陽步涉詣許從該問難諸要今左氏問七十二事詳所撰

後傳本九下漢書七九卷下十五

也杜幾為太守署詳文學祭酒黃初中徵拜博士十餘人學多

編又不熟悉唯詳五業並授其或難質不解詳無愠色以杖畫

地牽譬引類至忘寢食也。劉放曰注徵仕為公車司馬

拜博士十餘人案文須更有博士二字

令以父母老託疾去官欲歸鄉里會荊州道斷不

得去少府孔融上書薦之曰臣聞高祖創業韓

彭之將征討暴亂陸賈叔孫通進說詩書陸賈為太

中大夫時前說稱詩書著書十二篇每奏一篇身祖未嘗不稱善叔孫通為高祖制禮儀並見前書光武中興

吳耿佐命范升衛宏脩述舊業故能文武並用成

長久之計陛下聖德欽明同符二祖勞謙危運三

年乃謹史記高宗諒闇三年不言言乃謹時靈帝崩後獻帝居諒闇初釋服也今尚父鷹

揚方叔翰飛尚父太公也毛詩曰維師尚父時惟鷹揚又曰方叔涖止其車三千鳩彼飛隼翰飛戾天

謝該

注云方叔止命為將也。位臨也。鳩急疾之貌也。飛乃至天。喻士卒至勇能深入攻敵。王師電驚羣

不用征伐故。須賢人也。宜得名儒典綜禮紀竊見故公車司馬

凶破殄始有囊弓卧鼓之次。毛詩曰載囊弓矢案所以盛弓言今太平囊弓卧鼓

令謝該體曾史之淑性。曾參史魚兼商偃之文學。言偃

也論語曰文學則子游子夏博通羣藝周覽古今物來有應事

至不惑清曰異行敦悅道訓求之遠近少有疇匹

若乃巨骨出吳。史記曰吳伐越隨會執得骨節專車吳使使問仲尼骨何者最大仲尼曰禹致羣神

隼集陳庭。史記曰有隼集于陳庭而死楷矢貫

黃能入寢。左傳曰鄭子產聘于晉晉侯有疾韓宣子曰寡君寢疾於今三月矣今夢黃能入於寢門其何厲鬼邪對曰昔堯殛鯀于羽山其神

化為黃能以入羽泉實為夏郊三代祀之晉為盟主其或者未之祀也韓子祀夏郊晉侯有問

亥有一首。左傳晉悼夫人食輿人之城杞者絳縣人或年長矣無子而往與於食有與疑年使之年曰臣小人也不知紀年臣生之歲正

月甲子朔四百有四十五甲子矣其季於今三之一也吏走問諸朝師曠曰魯叔仲惠伯會郟成子于承匡之歲也七十二年

矣史趙曰亥有二首六身下二如身是其日數也士文伯曰然則二萬六千六百有六旬也杜注云亥字二畫在上併二六為

身如筭之六也非夫洽聞者莫識其端也雋不疑定北闕

之前。前書昭帝時有男子成方遂詣北闕自稱衛太子丞相御史二千石至者立莫敢發言京兆尹雋不疑後到吐

從吏收縛或曰是非未可知不疑曰諸君何患於衛太子昔蒯憤違命出奔輒距而不納春秋是之衛太子得罪先帝亡不即

死今來自詣此罪人也遂送下詔獄天子與大將軍霍光聞而嘉之曰公卿大臣常用經術明於大義也。劉放曰注遂送下

詔獄案文夏戾勝辯常陰之驗然後朝士益重雋

多一下字

謝該

後傳六九下漢書七十九卷下十七

術

前書曰昌邑王嗣立數出勝當乘輿車前諫曰天久陰不雨臣下有諫上者陛下欲何之王怒謂勝為妖言縛以屬吏吏白霍光是時光與張子儒謀欲廢王光讓子孺以為泄子孺實不泄召問勝對言在洪範光子孺以此益重儒術士

該實卓然比跡前列間以父母老疾弃官欲歸道

路險塞無由自致猥使良才抱璞而逃踰越山河

沈淪荆楚所謂往而不反者也韓詩外傳曰山林之士為名故往而不能反也

後日當更饋藥以釣由余尅像以

求傳說豈不煩哉史記曰由余其先晉人也亡入戎能晉言戎王聞繆公賢故使由余觀秦秦繆公示以宮室積聚由余曰使鬼為之則勞神矣使人為之亦若人繆公退而問內史廖曰孤聞國有聖人敵國之憂也今由余寡人之害將奈何廖曰戎王處僻未聞中國之聲君試遺以女樂以奪其志為由余請以疏其間留而莫遣以失其期戎王怪之必疑由余君臣有間乃可慮也乃令內史廖以女樂二八遺戎王戎王受而說之由余數諫不聽繆公又數使人間要由余

臣愚以為可推錄所在召該令還楚人止

孫卿之去國劉向孫卿子後序所論孫卿事曰卿名況趙人也楚相春申君以為蘭陵令或謂春申君曰湯以七十里文王以百里孫卿賢者今與之百里地楚其危乎春申君謝之孫卿去之趙後客或謂春申君曰伊尹去夏入殷殷王而夏亡管仲去魯入齊魯弱而齊強故賢者所在君尊國安今孫卿天下賢人所去之國其不安乎春申君使人聘孫卿乃還復

漢朝追匡衡於平原前書匡衡為平原文學長安令楊賜薦之於車

還拜議郎以壽終

建武中鄭興陳元傳春秋左氏學時尚書令韓

歆上疏欲為左氏立博士范升與歆爭之未決陳

謝該

謝該

謝該

謝該

謝該

謝該

謝該

謝該

謝該

謝該

元上書訟左氏遂以魏郡李封為左氏博士後羣儒蔽固者數廷爭之及封卒先武重違眾議而因不復補

許慎傳

許慎字叔仲汝南召陵人也性淳篤少博學經籍馬融常推敬之時人為之語曰五經無雙許叔重為郡功曹舉孝廉再遷除汝長卒于家汝音疾初交反慎以五經傳說臧否不同於是撰為五經異義又作說文解字十四篇皆傳於世

蔡玄傳

蔡玄字叔陵汝南南頓人也學通五經明徒常千人其著錄者萬六千人徵辟並不就順帝特詔徵拜議郎講論五經異同甚合帝意遷侍中出為弘農太守卒官

論曰自先武中年以後于戈稍戢專事經學自是

其風世篤焉其服儒衣稱先王儒服為章甫冠縫掖之衣也禮記曰言必則古

昔稱先王遊庠序聚橫橫又作鬻孰著者蓋布之於邦域矣

若乃經生所處不遠萬里之路經生謂博士也就之者不以萬里為遠而至也

精廬暫建精廬講讀之舍贏糧動有千百贏擔負也其著者名高

義開門受徒者編牒不下萬人皆尊相傳祖莫或

訛雜至有分爭主庭樹朋私里繁其章條穿求崖
穴以合一家之說故揚雄曰今之學者非獨為之

華藻又從而繡其輦悅楊雄法言之文也喻學者文煩
碎也輦帶也字或作幣說文曰

輦輦覆衣巾也音盤悅佩巾也音稅夫書理無義歸有宗而碩學之

徒莫之或徒無二專一也故通人鄙其固焉又雄所謂

諛諛之學各習其師也亦法言之文也諛
諛諛也音奴交反且觀成名

高第終能遠至者其蓋亦寡焉而迂滯若是矣然所

談者仁義所傳者聖法也故人識君臣父子之綱

家知違邪歸正之路自相靈之間君道批僻批穀
不成

也以喻政
化之惡也朝綱日陵國隙屢啓陵陵
遲也自中智以下

靡不當其朋離而權彊之臣息其闕盜之謀謂閭
忠勸

皇甫嵩令推二漢而
自二立嵩不從其言豪俊之夫屈於鄙生之議者謂
董

卓欲大起兵鄭泰
止之卓從其言人誦先王言也下畏逆順執也言
政

化雖壞而朝夕不傾危者以
經籍道行下人懼逆順之執至如張溫皇甫嵩之徒功

定天下之半聲馳四海之表俯仰顧盼則天業可

移猶鞠躬昏王之下狼狽折札之命散成兵就繩

約而無悔心昏王謂獻帝也札簡也折簡而刀口言不勞重命
也繩約猶拘制也謂溫及嵩並被徵而就拘制

也暨乎剝撓自極人神數盡易剝卦曰棟撓凶撓折也
極終也言黃祚自終人臣

之數盡盡撓
音女教反然後羣英乘其運世德終其祚羣英謂
表術曹

操之屬代德終其祚謂曹不即
帝為山陽公自廢至薨十四年以壽終跡衰敝之所由致

而能多歷年所者斯豈非學之效乎跡猶尋也言由有儒學故能長久也

故先師垂典文褒勵學者之功篤矣切矣不循春

秋至乃比於殺逆其將有意乎史記曰為人君父而不通春秋之義者必

蒙首惡之名為人臣子不通春秋之義者必陷篡弑誅死之罪也

贊曰斯文未陵亦各有承論語曰不知天之將喪斯文也言斯文未陵遲故學者分

門各自承襲其家業也塗分流別專門並興精踈殊會通閤

相徵千載不作淵源誰激說經者各自是其一家或精或踈或通或閤去聖既久莫

知是非若千載一聖不復作起則泉原混混誰能激之

後漢書卷下 第六十九下

文苑傳第七十一上 范曄 後漢書八十卷上

杜篤 王隆 夏恭 傅毅 黃香

劉毅 李尤 蘇順 劉珍 葛龔

王逸 崔琦 邊韶

杜篤

杜篤字季雅京兆杜陵人也高祖延年宣帝時為

御史大夫前書延年字幼公用之子也為御史大夫延篤

少博學不修小節不為鄉人所禮居美陽與美陽

令遊數從請託不諧頗相恨今然攸篤送京師會

大司馬具漢豐光武詔諸儒誅之篤於獄中為誄

辭最高帝美之賜帛免刑篤以關中表裏山河先

帝舊京不宜改營洛邑乃上奏論都賦曰臣聞知

而復知是為重知韓詩外傳曰知者知其所知乃為知矣臣所欲言陛

下已知故略其梗概梗概猶粗略也不敢具陳昔般庚去

奢行儉於亳帝王紀曰般庚以耿在河北迫近山川自祖辛

成周之隆乃即中洛周成王就土遭

時制都不常厥邑尚書曰不常厥邑于今五遷賢聖之慮蓋有

優劣霸王之姿明知相絕守國之執同歸異術或

弃去阻阨務處平易淮南子曰武王克殷欲築宮於五

固塞險阻之地使我德能履復之則天下納其貞職者固矣使我

也險或據山帶河并吞六國謂秦也或富貴思歸不顧

見龍襲或掩空擊虛自蜀漢出韓生勸項羽都關中羽曰富貴不歸故鄉如衣

錦夜行乃歸都彭城而高祖自蜀漢出襲擊之也見前書即日車駕策由一卒前書

即日車駕西都長安或知而不從久都境垆謂光武

薄四面受敵境音古六父反垆音古角反臣不敢有所據

竊見司馬相如揚子雲作辭賦以諷主上臣誠慕

之伏作書一篇名曰論都謹并封奏如左皇帝以

建武十八年二月甲辰升輿洛邑巡于西嶽光武紀曰

甲寅西推天時順斗極揚雄長揚賦曰順斗極運天關極

運轉而排閭闔入函谷閭闔天門也函谷故關觀院於

峻甬圖險於隴蜀圖猶規度也其二月丁酉行至長

安經營宮室傷感舊京即詔京兆廼命扶風齋

肅致敬告觀園陵悽然有懷祖之思懷思喟乎

以思諸夏之隆喟歎聲遂天旋雲遊造舟于渭北

航涇流爾雅曰天子造舟造並也以舟相並而濟也航舟度

與杭字相亂者誤也千東方轂萬騎駢羅街陳於岐

梁東橫乎大河街布也橫絕流度也楚瘞后土瘞埋也

禮郊甘泉祭天所也其歲

四月及于洛都明年有詔復函谷關作大駕宮大

駕見儒林傳大駕宮六王邸高車廐於長安脩理東都

即天子行幸也

杜篤

城門

長安外城門東面北頭第一門也

橋涇渭往往繕離觀東臨霸

澶西望昆明北登長平

長平坂名也在池陽宮南也

規龍首撫未

央視平樂儀建章

龍首山名蕭何於其上作未央宮撫也或云撫亦模其字從木視視也

音麥平樂觀名建章宮名並在城西謂光武規模而修理也

是時山東翕然狐疑意

聖朝之西都懼關門之反拒也

恐西都置關所以拒外山東也

客

有為篤言彼培井之潢汙固不容夫吞舟

培井喻小也莊

子曰培井之蛙潢汙渟水也吞舟大魚也賈誼曰彼尋常之汙瀆豈容夫吞舟之魚

且洛邑之渟渟

曷足以居乎萬乘哉

揚雄甘泉賦曰梁弱水之鼎澹澹焉迴反小貌也渟音天鼎反澹音鳥迴反

咸陽守國利器不可久虛以示姦萌

老子曰國之利器不可以示人

篤未甚然其言也故因為述大漢之崇崇高也世

漢書八十一卷上

據靡州之利而今國家未暇之故以喻安意

喻

曰昔在強秦爰初開畔

畔疆界也

霸自岐靡國富人

衍卒以并兼桀虐作亂

衍饒也音以戰反桀虐如桀之無道也

天命有

聖託之大漢大漢開基高祖有勳斬白蛇屯黑

雲

前書高祖斬大蛇有一老嫗夜哭曰吾子白帝子今赤帝子斬之故曰白蛇又曰白后曰季所居上常有雲氣

聚

五星於東井提干將而呵暴秦

高祖初至霸上五星聚東井干將劍名也

高祖曰吾提三尺劍取天下

蹈滄海跨崑崙

楊雄長揚賦曰橫巨海崇崑崙崑崙此言蹈跨喻遠

也奮彗光掃項軍

彗星者所以除舊布新也故曰掃

遂濟人難蕩

滌于泗沂

項羽都彭城泗水沂水近彭城地也蕩滌謂誅之也

劉敬建策初都長

安

解見班固傳

太宗承流守之以文

太宗文宗也繼體之君以文德守之

躬

杜篤

履節儉側身行仁食不二味衣無異采賤人以農

桑率下以約已曼麗容不悅於目鄭衛之聲不

過於耳曼美也佞邪之臣不列於朝巧偽之物不鬻

於市禮記曰用器不中受不鬻於市布帛精麤不中數故

能理升平而刑幾措富衍於孝景功傳於後嗣

前書景帝時太倉之粟紅腐而不可食都內之錢貫朽而不可校也是時孝武因其餘財

府帑之蓄始有鈎深圖遠之意探冒頓之罪前書

冒頓殺其父頭曼單于又為書使遺高后曰孤憤之君生於沮澤之中長於平野牛馬之域數至邊境願遊中國陛下獨立孤

憤獨居兩王不樂無以自娛願以所有易其所無校平城之讎校報也冒頓單于

日故報遂命票騎票騎將軍霍去病也勤任衛青青為大將軍霍去病舅也

勇惟鷹揚軍如流星毛詩曰時惟鷹揚注云如鷹之

深之匈奴創裂衣王庭匈奴王庭也長揚賦曰疾如奔星席卷漠北叩

勒祁連漢沙漠也祁連匈奴中山橫分單于屠裂百蠻

百蠻夷狄之物也燒刻帳刻毛布也繫閼氏單于妻號也燔康居灰

珍奇康居西域國也居音渠椎鳴鏑前書曰冒頓作鳴鏑箭也釘鹿豕

離匈奴有左右鹿豕王前書作谷蠡馳阮岸獲昆彌昆彌西域國也虜傲依

依養馬人也字書依音真字書無傲字諸家並曰傲依為栗驅

騾驢馭宛馬大宛國名出汗血馬鞭駛駉駉馬也駛音史駉音蹄

拓地萬里威震八荒肇置四郡據守敦煌四郡謂西泉武

威張掖立候隅北建護西羌楊雄解嘲曰西北一候子孟

敦煌也

社焉

置談羨校尉 種驅氏棘家狼邛笮 種擊也家狼猶擊擾也氏棘邛笮並

西南 東攢烏柏蹂躪滅豹 字書攢亦摩字音摩方言云摩滅也蹂躪也

音文曰滅豹 南羈鈎町水劍強越 羈係也鈎町西南夷也水劍謂戈船將軍

等下水誅南越 殘夷文身海波沫血 穀梁傳曰越人被髮文身沫血水沫

如郡縣日南漂槩朱崖 武帝元鼎六年平南越以為南海蒼梧鬱林合浦交趾九真日

南朱崖儋耳九郡漂槩謂摩近之也前書音義曰珠崖言珠若崖也此作朱古字通茂陵書曰珠崖郡都郎暉去長安七千三百里暉

音審 部尉東南兼有黃支 楊雄解嘲曰東南一尉孟康注云會稽東部都尉也

前書自都盧國船行可二月餘 連緩耳瑣雕題 緩耳耳下也禮記曰南方曰蠻雕題交趾鄭玄注曰謂刻其

身以丹青涅之也王逸注楚詞曰雕畫也題額也 摧天督 即

也 牽象犀椎蚌蛤碎瑠璃甲瑇瑁狀紫角鱗 郭

恭廣志曰瑇瑁形似龜出南海甲謂取其甲也玃殘於是同也紫角鱗大龜亦瑇瑁之屬紫角音子期反鱗音以規反

穴裘褐之域 同穴挹婁之屬也 共川鼻飲之國 前書

之曰駱越之俗父子同 莫不袒跣誓頽失氣虜伏 誓

川而俗相習以鼻飲也 賦曰虎豹豺狔失象恐象言其恐懼如奴虜之狀也 非夫大

漢之盛世藉離土之饒得御外理內之術孰能

致功若斯故創業於高祖嗣傳於孝惠德隆於太

宗財衍於孝景威盛於聖武政行於宣元侈極於

成哀祚缺於孝平傳世十一歷載三百 高祖至平帝十一代歷涉

也合二百十四年此言三百 者謂出二百年涉三百年也 德衰而復盈道微而復章

謂呂氏亂而文帝立昌 皆莫能遷於靡州而背於咸

邑廢而宣帝中興也

陽宮室復廟山陵相望高顯弘麗可思可榮義

農邑來無茲著明夫靡州本帝皇所以育業周始

難之場也行廣也秦禹貢所載厥田惟上尚書靡州

沃野千里原隰彌望保殖五穀粢麻條暢濱據南

山帶以涇渭號曰陸海蠢生萬類瀕近也前書東方

灌溉說文曰於澗澤也顧野漸澤成川粳稻陶遂薛

田田相如鑄鑿株林前音東方朔曰

既爾雅曰遂生也厥土之膏畝價一金豐鎬之間號為

南通漢中北據谷口東阻欽巖谷口在今雲陽縣穀

拒守褒斜嶺南不通杜口絕津朔方無從杜塞谷日

津鴻渭之流徑入于河大船萬石轉漕相過東綜

滄海西網流沙朔南暨聲諸夏是和尚書曰朔南暨

也城池百尺院塞要害關梁之險多所衿帶衿帶

之要故一卒舉礪千夫沈滯礪石也前書匈奴乘

以喻前之

一人

一人

一人

一人

一人

一人

杜馮

後傳七十一 漢書八十一卷上 文

奮戰三軍沮敗

淮南子曰狹路津關大山石塞龍蛇蟠登笠居羊腸道魚筍門一人守險千人弗敢

過地執便利介冑剽悍可與守近利以攻遠

剽急疾也

悍勇也所據險要故可守近士卒勇疾故可攻遠也

士卒易保人不肉袒

左傳鄭伯肉袒率羊

以降楚言關中士卒勇易與保守不降下也

肇十有二是為贍腴

尚書曰肇十有二州謂雍

梁荆徐揚青兗冀幽并營也雍州曰第一故曰贍腴今流俗北地之良沃者為贍者也。劉放曰注案文比當作以又衍一者

字用霸則兼并

謂秦并六國也

先據則功殊

高祖先入關功為諸侯最也

修文則財衍行武則士要

修文德則財產富衍若用武則士皆奮勵而要功也

政則化上篡逆則難誅

地險固故難誅也

進攻則百剋退

守則有餘斯固帝王之淵囿而守國之利器也逮

及二新時漢之衰偷忍淵囿莫器慢違

偷忍猶盜竊也淵囿

後傳七十一 漢書八十卷上 八七

謂秦也徒以執便莫能卒危

卒音倉危勿心反

假之十八誅自

京師

莽居攝篡位十八年八公眉就始斬之也

天畀更始不能引維

異與也

更始不能持其綱維故致敗亡

慢藏招寇復致赤眉

易曰慢藏誨盜又曰負且乘致寇至

言更始為赤眉所破也

海內雲擾諸夏滅微羣龍並戰未知

是非

赤伏符曰四夷雲擾龍闕于野易曰龍戰于野謂更始敗後劉永張步等重起未知受命者為誰也

于時

聖帝赫然申威荷天人之符兼不世之姿

聖帝光武也天人符

謂疆華自關中持赤符也前書曰王吉上疏曰欲化之主不代出言有時而出難常遇也

受命於皇上

獲助於靈祇

皇上帝謂天也尚書曰惟皇上帝降衷於下人靈祇謂呼池水及白衣老父等也

立號

高邑塞旗四麾

塞技也

首策之臣運籌出奇

前書高祖

曰運籌帷幄之中決勝千里之外子房是也出奇謂陳平從高祖定天下凡六出奇計以比鄧禹馮異吳漢耿弇等也

號

仕第

怒之旅如虎如螭詩曰闕如虓虎注云虓之怒虓也史記周武王誓衆曰如虎如龍如豺如螭杜

預注左傳曰螭山神獸形也虓音呼父反師之攸向無不靡披蓋夫燔魚尚書今文泰誓篇曰太子發升舟中流白

刺蛇莫之方斯魚入于王舟王跪取出以燎羣公咸曰休大呼山東響動流沙哉鄭立注云燔魚以祭變體也刺

要龍淵首鑊鄒龍淵劍解見韓稜傳說文鑊鄒大戟也音命騰太白親發狼弧騰馳也太白天之將軍

隴冀東據洛都乃廓平帝宇濟蒸人於塗炭成爾雅曰豐豐勉也易今天

兆庶之豐豐遂興復乎大漢爾雅曰豐豐勉也易今天

下新定矢石之勤始瘳瘳差也而主上方以邊垂為

憂忿葭萌之不柔楊子雲長楊賦曰葭萌為之不安謂遠

而遺思靡州也遺猶也方躬勞聖思以率海內厲撫

名將略地疆外信威於征伐展武宇荒裔信讀若

夫文身鼻飲緩耳之主推結左衽鏐錫之君結音

南殊俗不羈之國西北絕域難制之鄰靡不重

譯納貢請為藩臣上猶謙讓而不伐勤前書司馬相

意以為獲無用之虜不如安有益之民略

案今夷狄好穿耳以垂金寶等此並謂夷狄之君長也

注云金錫器之名未詳形制錫音牛于反錫蒼君曰錫錫也

其被髮左衽矣錄音渠呂反山海經曰神武羅穿耳以錄郭璞

書尉佗椎結箕踞注云如今人土推頭髻也孔子曰微管仲吾

讓而未

意以為獲無用之虜不如安有益之民略

前也

杜篤

荒裔商之地不如保殖五穀之淵左傳曰吾將略地焉略取也遠救

於已亡不若近而存存也易曰成性存存也今國家躬修

道德吐惠含仁湛恩沾洽時風顯宣前書司馬相如難蜀父老曰湛

恩汪濊湛音沈易通卦驗曰巽氣退則時風不至万物不成冬至廣莫風至立春條風至春分明庶風至立夏清明風至夏至

景風至立秋涼風至秋分閭闔風至立冬不周風至也徒垂意於持平守實務在

愛育元元苟有便於王政者聖主納焉何則物罔

挹而不損道無隆而不移陽盛則運陰滿則虧淮南

子曰孔子觀相公之廟有器焉謂之宥坐孔子曰善哉乎得見此器顧曰弟子取水水至灌之其中則正其盈則覆孔子造然

革容曰善哉持盈者乎子貢在側曰請問持盈曰挹而損之曰何謂挹而損之曰夫物盛而衰樂極而悲日中而移月盈而虧

是故聰明睿守之以愚多聞博辯守之以儉武力毅勇守之以畏富貴廣太守之以陋德施天下守之以謙此五者先王所

以守天下而弗失也故存不忘亡安不諱危雖有仁義猶設城

池也易曰君子存不忘亡安不忘危也客以利器不可久虛而國家

亦不忘乎西都何必去洛邑之溥澹與篤篤後仕郡

文學掾以目疾二十餘年不闕京師篤之外高祖

破羌將軍辛武賢以武略稱前書武賢狄道人為破羌將軍以勇武稱左將軍慶

父忌之篤常嘆曰杜氏文明善政而篤不任為吏謂

周及延年並以文法著名也辛氏秉義經武而篤又怯於事外內

五世至篤衰矣女弟適扶風馬氏建初三年車騎

將軍馬方擊西羌請篤為從事中郎戰沒於射姑

山所著賦誄弔書讚七言女誡及雜文凡十八篇

杜篤

又著明世論十五篇子碩豪俠以貨殖聞

王隆傳

王隆字文山馮翊雲陽人也王莽時以父任為郎後避難河西為竇融左護軍建武中為新汲令

新汲縣屬潁川郡故城在今許州扶溝縣西也能文章所著詩賦銘書凡二

十六篇初王莽末沛國史岑子孝亦以文章顯莽

以為謁者著頌誄復神說疾凡四篇岑字孝山著出師頌

夏恭傳

夏恭字敬公梁國蒙人也習韓詩孟氏易講授門徒常千餘人王莽末盜賊從橫攻沒郡縣恭以恩

漢傳七十一上 法志八十一上 八十一

信為眾所附擁兵固守獨安全光武即位嘉其忠

果召拜郎中再遷太山都尉和集百姓其得其歡

心恭善為文著賦頌詩勵學凡二十篇四十九卒

官諸儒共謚曰宣明君子牙少習家業著賦頌讚

誄凡四十篇舉孝廉早卒鄉人號曰文德先生

傅毅傳

傅毅字武仲扶風茂陵人也少博學永平中於平

陵習章句因作通志詩曰咨爾庶士迨時斯勗迨及

也曰勗勉也日月逾邁豈云旋復尚書曰日月逾邁逾邁行也

哀我經營旅力靡及旅陳也言已欲經營仁義之道然非陳力之所能及也在茲

王隆

弱冠靡所庶立禮記年二十曰弱冠言已在於赫我祖

顯于殷國謂傳也一迹阿衡克光其則阿倚衡平也言

也謂伊尹也高宗命傳說曰尔尚明保罔俾阿衡專美有武

丁興商伊宗皇士武丁殷王高宗也伊惟宗尊也詩曰思

推尊皇美之士謂傳說爰作股肱萬邦是紀弈世載德迄我

顯考易曰德積保膺淑懿續脩其道續繼漢之中

葉俊又式序秩彼殷宗光此勳緒中葉謂宣帝中興

殷高宗用傳說之事光大其勳功而用其緒胤也謂傳介子以

軍功封義陽侯傳喜論議正直為大司馬封高武侯侯傳晏為孔

鄉侯傳俊為昆陽侯也伊余小子穢陋靡逮懼我世

烈自茲以墜誰能華濁清我濯漑毛詩曰誰能執熱

能革易我之濁而誰能昭闇啓我童昧先人有訓我

訊我誥訓我嘉務誨我博學爰率朋友尋此舊則

契闊夙夜庶不懈忒詩云与子契闊契闊謂秩秩大

猷紀綱庶式匪勤匪昭匪言匪測詩大雅曰秩秩大猷

猷道也庶眾也式法也言美哉乎大道可以綱紀眾

法若不勤勵則不能昭明其道不專一則不能深測農夫不

怠越有黍稷尚書曰若農服田力穡乃亦有誰能云作

考之居息考成也言誰能有所作而居息二事敗業多

疾我力二事謂事不專一也疾害也如彼遵衢則罔所

極尊循也如循長路一志靡成聿勞我心如彼兼聽

頁恭

恒自逸徂年如流鮮茲暇日

人當自勉修德義專志勤文字不可自放逸年之

過往如流言其速也

行邁屢稅胡能有迄

行邁之人屢稅駕停止何

能有至也言當自勗不可中廢也

密勿朝夕聿同始卒

毛詩曰密勿從事密勿龜勉也聿循

也卒終也言朝夕

毅以顯宗求賢不篤士多隱劇故

作七激以為諷建初中肅宗博召文學之士以毅

為蘭臺令史拜郎中與班固賈逵共典校書毅追

美孝明皇帝功德最盛而廟頌未立乃依清廟作

顯宗頌十篇奏之

清廟詩周頌篇名序文王之德也

由是文雅顯於

朝廷車騎將軍馬防外戚尊重請毅為軍司馬

待以師友之禮及馬氏敗免官歸永元元年車騎

後傳七十一

十一

將軍竇憲復請毅為主記室崔駰為主簿及憲

遷大將軍復以毅為司馬班固為中護軍憲府文

章之盛冠於當世毅早卒著詩賦誄頌祝文七激

連珠凡二十八篇

黃香傳

黃香字文彊江夏安陸人也年九歲失母思慕惟

悴殆不免喪

免喪終喪

鄉人稱其至孝年十二太守劉

護聞而召之署門下孝子甚見愛敬香家貧內無

僕妾躬執苦勤盡心奉養遂博學經典究精道

術能文章京師號曰天下無雙江夏黃童初除郎

中元和元年肅宗詔香詣東觀讀所未嘗見香後告休及歸京師時千乘王冠千乘喜王伉章帝子也冠謂二十加冠也帝

會中山邸乃詔香殿下顧謂諸王曰此天下無雙

江夏黃童者也左右莫不改觀後召詣安福殿言

政事拜尚書郎數陳得失賞賚增加常獨止宿臺

上書晝夜不離省闈帝聞善之永和四年拜左丞功

滿當千和帝留增秩六年累遷尚書今後以為東

郡太守香上疏讓曰臣江淮孤賤愚蒙小生經學

不能無可筆錄遭值太平先人餘福謝承書香代為冠族葉令況之

也得以弱冠特蒙徵用連借累任遂極臺閣訖無

後傳二二二 後卷八十一 上 一三三

纖介稱報恩効死誠不意悟卒被非望顯拜近郡

尊位千里臣聞量能授官則職無廢事因勞施爵

則賢愚得宜臣香小醜少為諸生典郡從政固非

所堪誠恐矇頓孤忝聖恩又惟機密端首至為

尊要謂尚書令復非臣香所當久奉承詔駭惶不知

所裁臣香年在方剛適可驅使論語曰及其壯也血氣方剛言少壯也

願乞餘恩留備冗官賜以督責小職任之宮臺煩

事以畢臣香螻蟻小志誠瞑目至願土灰極榮帝

亦惜香幹用久習舊事復留為尚書令增秩二千

石賜錢三十萬是後遂管樞機甚見親重而香亦

黃香

祇勤物務憂公如家十二年東平清河奏詆言卿
仲遼等所連及且千人香科別據奏全活其眾每
郡國疑罪輒務求輕科愛惜人命每存憂濟又曉
習邊事均量軍政皆得事宜帝知其精勤數加恩
賞疾病存問賜鑿藥在位多所薦達寵遇甚盛議
者譏其過倖延光元年遷魏郡太守郡舊有內外
園田常與人分種收穀歲數千斛香曰田令商者
不農王制仕者不耕王制曰上農夫食九人下士伐冰
食祿之人不與百姓爭利伐水解見馮衍傳乃悉以賦人
課令耕種時被水年飢乃分奉祿及所得賞賜班
贍貧者於是豐富之家各出義穀助官粟貸荒
民獲全後坐水潦事免數月卒於家所著賦牋奏
書今凡五篇子瓊自有傳

劉毅傳

劉毅北海敬王子也初封平望侯

平望縣屬北海郡

永元

中坐事奪爵毅少有文辯稱元初元年上漢德論
并憲論十一篇時劉珍鄧耽尹允馬融共上書稱
其美安帝嘉之賜錢二萬拜議郎

李尤傳

李尤字伯仁廣漢雒人也少以文章顯和帝時侍

中賈逵薦尤有相如揚雄之風召詣東觀受詔作賦拜蘭臺令史稍遷安帝時為諫議大夫受詔與謁者僕射劉珍等俱撰漢記後帝廢太子為濟陰王尤上書諫爭順帝立遷樂安相年八十三卒所著詩賦銘誄頌七歎哀典凡二十八篇尤同郡李勝亦有文才為東觀郎著賦誄頌論數十篇

蘇順傳

蘇順字孝山京兆霸陵人也和安間以才學見稱好養生術隱處求道晚乃仕拜郎中卒於官所著賦論誄哀辭雜文凡十六篇時三輔多士扶風曹

後傳七十一上 漢書八十一上 十五

眾伯師亦有才學著誄書論四篇

三輔決錄注曰眾與鄉里蘇孺文實

伯向馬季長並遊官唯眾不遇以壽終于家

又有曹朔不知何許人作漢

頌四篇

劉珍傳

劉珍字秋孫

諸本時有作祕孫者其人名珍與祕義相扶而作秋者多也

一名寶南

陽蔡陽人也少好學永初中為謁者僕射鄧太后詔使與校書劉駒駭馬融及五經博士校定東觀五經諸子傳記百家藝術整齊脫誤足正文字永寧元年太后又詔珍與駒駭作建武已來名臣傳遷侍中越騎校尉延光四年拜宗正明年轉衛尉

卒官著誄頌連珠凡七篇又撰釋名三十篇以辯萬物之稱號云

葛龔傳

葛龔字元甫梁國寧陵人也和帝時以善文記

知名

龔善為文奏或有請龔奏以千人者龔為作之其人寫之忘自載其名因并寫龔名以進之故時人為之語曰

作奏雖王且去高龔事見笑林

性慷慨壯烈勇力過人安帝永初中

舉孝廉為太守丞上便宜四事拜蕩陰令

蕩陰縣名今相州縣

也蕩音湯

辟太尉府病不就州舉茂才為臨汾令居二

縣皆有稱績著文賦碑誄書記凡二十篇

王逸傳

後傳七十一

後卷八上

十一

王逸字叔師南郡宜城人也元初中舉上計吏為

校書郎順帝時為侍中著楚辭章句行於世其

賦誄書論及雜文凡二十一篇又作漢詩百二十

三篇子延壽字文考有雋才少遊魯國作靈光殿

賦後蔡邕亦造此賦未成及見延壽所為甚奇之

遂輟翰而已曾有異夢意惡之乃作夢賦以自厲

後溺水死時年二十餘

張華博物志曰王子山與父叔師到泰山從鮑子真文字筆到曾賦靈

光殿歸度湘水溺死文考一字子山也

崔琦傳

崔琦字子璋涿郡安平人濟北相瑗之宗也少遊

學京師以文章博通稱初舉孝廉為郎河南尹
梁冀聞其才請與交冀行多不軌軌法也琦數引古

今成敗以戒之冀不能受乃作外戚箴其辭曰赫
赫外戚華寵煌煌昔在帝舜德隆英皇帝舜妃娥皇女英帝

堯之女聰明貞仁事舜於畝畝之中事瞽叟謙讓恭儉思盡婦道也周興三母列女傳曰太姜

而有色生太伯仲雍王季化導三子皆成賢德大王有事必諮謀焉太姒者王季之妃端懿誠莊維德之行及其有身目不視

惡色耳不已惡声而生文王大姒者文王之妃號曰文母思媚大姜大姒旦夕勤勞以進婦道文王理外文母理内生十男也

有莘崇湯列女傳曰湯娶有莘氏女德高而明伊尹為之勝臣佐湯致王訓正後宮嬪御有序咸無嫉妒也

宣王晏起姜后脫簪列女傳曰周宣王嘗夜卧而晏起姜后乃脫簪珥待罪於永巷使其

傳母通言王曰妾不才妾之淫心見矣至使君失礼而晏朝以見君王樂色而忘德也敢請婢子之罪王乃勤於政早朝晏罷

後傳二十一 漢書今已二十一

卒成中 齊桓好樂衛姬不音列女傳曰齊桓公好樂皆樂衛姬不聽鄭衛之音皆

輔王以禮扶君以仁達才進善以義濟身爰暨末

葉漸已頽虧貫魚不敘九御差池易曰貫魚以宮人

人如貫魚之有次敘不偏愛也禮后夫人已下進御之法云凡天子進御之儀從后而下十五日偏自下始以象月之初生漸

進至盛法陰道之義也其法九嬪已下皆九九而御則女御八十一人為九夕也世婦二十七人為三夕九嬪為一夕夫入為

一夕凡十四夕后當一晉國之難禍起於麗獻公麗惟

家之索牝雞之晨尚書曰牝雞無晨牝雞之晨惟家之索

婦奪夫政則國亡也專權擅愛顯已蔽人陵長聞舊圯剝至

親左傳曰少陵長新聞舊並后匹嫡左傳曰平伯諗周相

本淫女斃陳陳夏姬通於孔寧儀行父又通於靈公夏

也也陳夏姬通於孔寧儀行父又通於靈公夏也左傳曰靈公夏

山崖奇

賢是上番為司徒詩小雅也番幽王之后親黨也幽王淫色不尚賢德之人寵其后親而以番為司徒

荷爵負粟采食名都易曰負且乘負也者小人之官也乘也者君子之器也

向皇父幽王后之親黨也向邑也以向為皇父食采邑也

人是刺德用不憚憚大也音呼謂詩人刺番為司徒及皇父都向用其后親黨是以其德不大也

暴辛惑婦拒諫自孤暴虐也紂字受德名辛以其暴虐故曰暴辛惑婦謂惑妲己也紂智

足以拒諫袒伊諫紂紂不從自孤為獨夫也

蝠蛇其心縱毒不辜謂趙梅伯脯鬼侯之類也諸父是殺孕子是劉天怒

地忿人謀鬼圖甲子昧爽身首分離王子比干紂之

尚書曰紂剝剔孕婦為周武王所伐甲子曰紂初為天子

後為人螭左傳曰螭魅鬼魅杜預註云螭山神獸形故以比紂之惡也非但耽色母

后尤然不相率以禮而競弊以權先笑後號卒以

辱殘母后不能循用禮法爭競相勸以擅權柄也易曰旅人先笑而後號咷言初雖恃權勢而笑後競罹禍而號哭

也家國泯絕宗廟燒燔末嬉喪夏末嬉桀妃有施氏女美於色薄於德

女子行丈夫心桀嘗置末嬉於膝上聽用其言昏亂失道湯伐遂放桀於南巢見列女傳

王嬖褒姒為妲己趙武靈王以長子章大戎所殺也二般趙靈沙丘為太子後得吳姓愛

之生子何乃廢章而立何後自號王父立何為王吳姓死何愛

施主父憐章北面臣誦於其弟欲分趙王章於代計未決主父

及王遊於沙丘宮公子章以其徒作亂公子成與李兌自國起

兵公子章敗往走王父王父聞之成兌因圍王父宮章死成兌

謀曰以章故圍王父即解兵吾屬夷矣乃遂圍王父令宮人後

出者夷宮中人悉出王父欲出不得飢採雀鷺而食之二月餘

死沙丘宮戚姬人豕呂宗以敗解見皇陳后作巫卒死於外孝武帝陳皇后以巫蠱廢霍欲鴆子身乃罹廢孝宣

皇后霍光之女欲謀毒太子被廢也

故曰無謂我貴天將爾摧無恃常

好色有欲微無估常幸愛有陵遲無曰我能天

人爾違患生不德福有慎機

無德而貴龍者患害之所生也本傳曰無德而祿殃

也若慎其機事則有福也

日不常中月盈有虧履復道者因使執者

危微臣司戚敢告在斯琦以言不從失意復作白鵠

賦以為風

風讀曰諷

梁冀見之呼琦問曰百官外內各

有司存天下云云豈獨吾人之尤君何激刺之過乎

琦對曰昔管仲相齊樂聞譏諫之言蕭何佐漢乃

設書過之吏

劉放曰案吏當仲史

今將軍累世台輔任齊伊

公伊尹而德政未聞黎光塗毒炭不能結納貞良以

後傳二十一

漢本八十一

十九

救禍敗反復欲鉗塞士口蔽主聽將使玄黃改色

馬鹿易形乎

史記趙高欲為亂恐羣臣不聽乃先設驗特鹿獻胡亥曰馬也胡亥笑曰丞相誤邪問左

右或默或言馬以阿順高或言鹿高因陰中諸言鹿者以法後羣臣畏高高遂作亂也

冀無以對因

遣琦歸後除為臨濟長不敢之職解印綬去冀

遂令刺客陰求殺之客見琦耕於陌上懷書一卷

息輒偃而詠之客哀其志以實告琦曰將軍令吾

要子今見君賢者情懷忍忍

忍忍猶不忍也

可亟自逃吾

亦於此云矣琦得脫走冀後竟捕殺之所著賦

頌銘誄箴弔論九次凡七言凡十五篇

邊韶傳

邊韶字孝先陳留浚儀人也以文學知名教授數
百人韶口辯曾晝日假卧左傳趙盾坐而假寐杜弟
子私譏之曰邊孝先腹便便註云不脫衣冠而睡也
眠韶潛聞之應時對曰邊為姓孝為字腹便便
五經笥司但欲眠思經事寐與周公通夢靜與孔子
同意師而可譏出何典記譏者大慙韶之才捷皆
此類也相帝時為臨潁侯相徵拜太中大夫著作
東觀再遷比地太守入拜尚書令後為陳相卒官
著詩頌碑銘書策凡十五篇

文苑傳第七十上

此卷校正十八字



